
SUCU

SIE MWE FAHKWACK NUH FIN FACLUH

PRESTUHNSI SE MET AC MWET KAHSRUH LUHN MWET SAP SINGUCUL LUO KE ALU LUHN JISUS KRAIST LUHN MWET LUHLAHLFONGI KE LWEN-SAHFLAH

KUHT, PRESTUHNSI SE MET ac Mwet in Kahsrüh luhn Mwet Sap Singucul Luo ke Alu luhn Jisus Kraist luhn Mwet Luhlahlfongi ke Lwen-sahflah, ke fahkwack muhtahllacna lah macruht inmahsrön sie mukul ac sie muhtwacn ma ahkkweyeyucklac sin God ac tuh sucu uh pa yohk srihpac ke plwacn luhn El suc orwacrah nuh ke moul nwe tok luhn tuhlihk Nahtuhl uh.

MWET NUH KWEWA—mukul ac muhtwacn—oreklac ke luhman God. Kais sie pa tuhlihk mukul nguhn ac tuhlihk muhtwacn nguhn wolacna nuhtin pahpah ac ninac inkuhsrao, ac kais sie eis luhman God ac in kuh in oacna God. Sie mwet el kuh in oruh mukul se kuh muhtwacn se ma el eis ke moul se el muhta we met liki el tuhkuh nuh facluh ah, ac moul se inge ac moul nwe tok ma pahtpaht.

KE MOUL SE MET LIKI MOUL SE FACLUH INGE, tuhlihk mukul nguhn ac tuhlihk muhtwacn nguhn uh elos etuh ac alu nuh sin God muh Pahpah ma Pahtpaht tuhmwaclos uh ac lwelah plwacn Lal suc ma sang tuhlihk Nahtuhl in eis mahno ac srah ac in puhlakihn ohiyac fin facluh in ahkwot nuh ke wolacna ac in eis akihlenyacn oreklac lalos uh ma som nuh ke moul ma pahtpaht. Plwacn luhn God nuh ke moul ma pahtpaht uh oruh sucu uh in kahlwem kac lah e fah sifilpac sikyak tukun kuht misac uh. Akwuck muhtahl ac olwelah uh kuh in orek ke tempuhl muhtahl uh ac oruh mwet se in kuh in fohlohk nuh yurin God ac nuh sin sucu uh in tuhkweni nwe tok.

MASAP SE MET ma God el sang nuh sel Adam ac Eve pa in kuh in oruh sie mukul ac muhtwacn in oruh sie pahyuck. Kuht ahkkweyelah masap luhn God nuh sin tuhlihk Nah-tuhl uh in puhseni ac nwacklah facluh uh srwackna fahsr. Kuht oacyacpac ahkkweye lah God el sapkihn lah kuh muhtahl in orwacrah tuhlihk uh enenuh in tuhkuh yurin mukul ac muhtwacn pahyuck se muhkwenä.

KUHT AHKKWEYELAH lah moul se inge oreklac ke kohkoh luhn God. Kuht ahkpwacyei lah moul uh muhtahl ac yohk srihpac ke plwacn ke moul ma pahtpaht luhn God uh.

MUKUL AC MUHTWACN pahyuck oasr kunohkohn muhtahl lalos in luhngse ac karihngihn sie sin sie ac tuhlihk nahtuhlos.

“Tuhlihk uh sie usru nuh sin Leum” (Sam 127:3). Oasr kunohkohn muhtahl se luhn pahpah ac ninac in tuhfaflah tuhlihk nahtuhlos ke luhngse ac suwohswohs, in sang enenuh lalos ke ip luhn mahno ac nguhn, ac in lotwelos in luhngse ac in kuhlwacnsapuh sie sin sie, in akihlen masap luhn God ac in karihngihn masap ke oacna sie acn elos muhta we. Mukul ac muhtwacn pahyuck—ninac ac pahpah—fah nuhnuhnkweyuck ye muhtuhn God ke tiac orwacrah laltahl ke ma inge.

SUCU uh ma ahkkweyeyucklac sin God. Pahyuck inmahsrön sie mukul ac sie muhtwacn pa sie ip yohk srihpac ke plwacn nwe tok Lal. Tuhlihk uh oasr suwohs lalos in isuslac sin pahpah ac ninac ma pahyuck, ac in tuhfweyucklac sin pahpah se ac ninac se suc ahok kuhnlah ac ahkos moul luhn sie pahyuck. Engan ke moul in sucu kuh in wo fin sucu uh moulkihn luti luhn Leum Jisus Kraist. Pahyuck ac sucu wo-wo uh oreklac ac fahsrkihn ip yohk ke luhlahlfongi, pruhe, auliyak, nuhnak muhnahs, ahkfuhlwactye, luhngse, pahkomuhta, orekma, ac kain in mukwikwi wo sahyac pac. Ke plwacn luhn God, pahpah uh nuhnuhnkuh fin sucu laltahl ke luhngse ac suwohswohs ac in fosrngahkihn in sang enenuh luhn moul ac karihngihn sucu. Ninac el enenuh na in tuhfaflah tuhlihk nahtuhlos. Ke kunohkohn muhtahl inge, pahpah ac ninac enenuh in kahsrüh sie sin sie in oacna sie. Suhkaphahs, misac, kuh kuhtwena ohiyac kuh in orwacrah eklac ke ma kunacn kais sie nuh ke karihngihnyacn sucu. Sucu lasr uh kuh in kahsrüh pac ke pacl enenweyuck uh.

SENSENKACKIHN YUCK NUH SESR lah sie mwet suc kuhnahoslah olwelah luhn tiac kosro, suc ahkolukye nuh sin muhtwacn kiac kuh mukul tuhma kuh tuhlihk nahtuhlos, kuh suc tiac ahkfalye ma kunwacrah nuh sin sucu fah sie lwen tu nuhnuhnkweyuck ye muhtuhn God. Oacyacpac, sensenkihn yuck nuh sesr lah fahsrwelihk luhn sucu uh e oruh kais sie, mura se, ac muhtuhn facl se in puhlakihn ohiyac koluk oacna fwackyuck sin mwet pahluh met ac mwet pahluh mihsenge uh.

KUHT PAHNG NUH SIN mwet ma e fal nuh se ac mwet kol luhn kafucmacn yen nuh kwewa in kwacfe in orekmakihn ma inge in sang karihngihn ac ahkkweye sucu in pa u se ma yohk e met ke acn se uh.

Mwe fahkwack se inge ritiyuck sel Prestuhn Gordon B. Hinckley in sie ip ke pweng lal ke miting luhn Un Muhtwacn in Kahsrüh orek ke Septempuh 23, 1995, fin acn Salt Lake City, Utah.

ALU LUHN
JISUS KRAIST
LUHN MWET
LUHLAHLFONGI LAL
KE LWEN-SAHFLAH

